

**BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
JAVNA USTANOVA OSNOVNA ŠKOLA «ALIJA NAMETAK» SARAJEVO**

**P R A V I L A
O IZMJENAMA I DOPUNAMA PRAVILA JU OŠ „ALIJA NAMETAK“ SARAJEVO**

Sarajevo, novembar 2025. godina



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education

Broj: 11-06/01-02-1014-5/25
Sarajevo, 10.10.2025. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i člana 20. stav (1) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), rješavajući po molbi Javne ustanove Osnovna škola „Alija Nametak“ Sarajevo, ministrica za odgoj i obrazovanje d o n o s i

ODLUKU

o davanju saglasnosti na Pravila o izmjenama i dopunama Pravila Javne ustanove Osnovna škola „Alija Nametak“ Sarajevo

I

Daje se saglasnost na Pravila o izmjenama i dopunama Pravila Javne ustanove Osnovna škola „Alija Nametak“ Sarajevo.

II

Ova odluka stupa na snagu danom donošenja.

Obrazloženje

Ministarstvu za odgoj i obrazovanje Kantona Sarajevo (u daljem tekstu: Ministarstvo) obratila se direktorica Javne ustanove Osnovna škola „Alija Nametak“ Sarajevo, sa Zahtjevom za saglasnost na prijedlog Pravila o izmjenama i dopunama Pravila Javne ustanove Osnovna škola „Alija Nametak“ Sarajevo, broj: 04-257/25 od 30.09.2025. godine. U prilogu je dostavljen predmetni prijedlog teksta izmjena i dopuna. Uz zahtjev dostavljena je i Odluka Školskog odbora o usvajanju korigovanog i utvrđenog Prijedloga izmjena i dopuna Pravila Javne ustanove Osnovna škola „Alija Nametak“ Sarajevo, broj: 01-1-248-1/25 od 29.09.2025. godine. Nakon analize dostavljene dokumentacije, odlučeno je kao u dispozitivu.

Dostaviti:

1. JU Osnovna škola „Alija Nametak“ Sarajevo,
2. Ul. Zaima Šarca 15, 71000 Sarajevo,
3. Evidenciji;
4. Arhivi.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba

BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
JU OŠ «ALIJA NAMETAK» SARAJEVO

Broj: 01-1- 420-1/25

Datum: 13.11.2025. godina

Školski odbor JU OŠ „Alija Nametak“ Sarajevo na osnovu člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ broj: 27/24) i Odluke Ministarstva za odgoj i obrazovanje Kantona Sarajevo o davanju saglasnosti na Pravila o izmjenama i dopunama Pravila Javne ustanove Osnovna škola „Alija Nametak“ Sarajevo, broj: 11-06/01-02-1014-5/25 od 10.10.2025. godine, na svojoj 68. sjednici održanoj dana 13.11. 2025. godine, jednoglasno donosi

O D L U K U

o donošenju Pravila o izmjenama i dopunama Pravila
JU OŠ „Alija Nametak“ Sarajevo

Član 1.

Donose se Pravila o izmjenama i dopunama Pravila JU OŠ „Alija Nametak“ Sarajevo, koja čine sastavni dio ove Odluke.

Član 2.

Ova odluka stupa na snagu danom donošenja i objavit će se na web stranici Škole.



Predsjednik Školskog odbora

Bećir Mujčinović

Dostavljeno:

1. Naslovu
2. a/a

Na osnovu člana 20., u vezi sa članom 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj 27/24), Pravilnika o prepoznavanju, prevenciji i zaštiti od diskriminacije u osnovnim i srednjim školama („Službene novine Kantona Sarajevo“, broj 8/25), te odredbi Pravilnika o izmjenama i dopunama Pravilnika o izricanju odgojno-disciplinskih mjera u osnovnim i srednjim školama („Službene novine Kantona Sarajevo“, broj 15/25), Školski odbor Javne ustanove Osnovna škola „Alija Nametak“ Sarajevo, nakon prethodnih konsultacija sa sindikalnom podružnicom i na osnovu Odluke Ministarstva za odgoj i obrazovanje Kantona Sarajevo o davanju saglasnosti na Pravila o izmjenama i dopunama Pravila Javne ustanove Osnovna škola „Alija Nametak“ Sarajevo, broj: 11-06/01-02-1014-5/25 od 10.10.2025. godine, na svojoj 68. sjednici održanoj dana 13.11.2025. godine, jednoglasno donosi

P R A V I L A

O IZMJENAMA I DOPUNAMA PRAVILA

JU OŠ »Alija Nametak« Sarajevo

Član 1.

U Pravilima JU OŠ »Alija Nametak« Sarajevo, broj: 01-1-3026/25 od 8.4.2025. godine, iza člana 62. dodaje se novi član 62.a., koji glasi:

Član 62.a.

(Uznemiravanje i ponižavajuće postupanje)

(1) Uznemiravanje i ponižavajuće postupanje u procesu odgoja i obrazovanja ili u vezi sa procesom odgoja i obrazovanja se smatra diskriminacijom u svakoj situaciji u kojoj postupanje, ima za svrhu ili čiji je efekat povreda dostojanstva lica ili grupe lica i stvaranje zastrašujućeg, neprijateljskog, degradirajućeg, ponižavajućeg ili uvredljivog okruženja zbog ličnog svojstva i pripadnosti, a posebno:

- a) korištenjem pogrdnih imena, nadimaka, predrasuda i stereotipa kojim se vrijeđa dostojanstvo lica ili grupe lica na osnovu ličnog svojstva ili pripadnosti;
 - b) izlaganjem podsmijehu postignuća učesnika u procesu odgoja i obrazovanja zbog ličnog svojstva ili pripadnosti;
 - c) izlaganjem podsmijehu zbog fizičkog izgleda, socijalnog porijekla, veze s nacionalnom manjinom, roda, spola ili bilo kojeg drugog ličnog svojstva ili učešće u drugim odgojnim i obrazovnim aktivnostima licu ili grupi lica zbog ličnog svojstva ili pripadnosti;
 - d) javnim ponižavanjem i prijetnjom primjene;
 - e) različitim postupanjem kojim, protivno Ustavu i zakonu, dolazi do uznemiravanja ili ponižavajućeg postupanja prema učesniku u procesu odgoja i obrazovanja;
- (2) Ministarstvo donosi bliži propis o prepoznavanju, prevenciji i zaštiti od diskriminacije u osnovnim i srednjim školama”.

Član 2.

U članu 119. stav (4) mijenja se i glasi:

Član 119.

(Neopravdano izostajanje s nastave)


- (1) U toku nastavne godine roditelj može lično opravdati izostanak svog djeteta bez ispričnice/ljekarskog uvjerenja u trajanju od najviše pet dana u toku jednog polugodišta, odnosno deset dana u toku nastavne godine.
- (2) Ostale odredbe ovog člana ostaju nepromijenjene.

Član 3.
(Stupanje na snagu)

(1) Prijedlog Pravila o izmjenama i dopunama Pravila Javne ustanove Osnovna škola »Alija Nametak« Sarajevo, se usvaja na sjednici Školskog odbora, te se ista dostavljaju Ministarstvu za odgoj i obrazovanje Kantona Sarajevo *na saglasnost*.

(2) Konačna Pravila o izmjenama i dopunama Pravila Javne ustanove Osnovna škola »Alija Nametak« Sarajevo stupaju na snagu danom usvajanja od strane Školskog odbora, a nakon dobivene saglasnosti od strane Ministarstva za odgoj i obrazovanje Kantona Sarajevo.

Broj: 01-1- 420/25
Datum: 13.11.2025.



Predsjednik Školskog odbora
Bego Muminović, prof.

